



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Christiana Et Docta Divi Alchimi Aviti Viennensis
Archiepiscopi, & Claudij Marij Victoris Oratoris
Massilie[n]sis, poëmata, aliaq[ue] non poenitenda**

**Avitus, Alcimus Ecdicius
Marius Victor, Claudius**

Lvgdvni, 1536

Capvt XIII.

urn:nbn:de:hbz:466:1-12149

Auxilium conatus amat, Quis namq̄ vacantem
Adiuuat; aut somno virtutem iungat inertis?

CAPVT XIII.

Luce. 19. **C**Oelestis vult œconomus concredita seruis.
Crescere dona suis, q̄ quōdā abscedere terra
Dum parat; & carnē peregrino immittere cœlo;
Mnas bisquinq̄ prout cuiusq̄ industria solers
Exigeret, famulis partiri cœpit: ibi vnus
Quinq̄, duas alius, sed tertius vnam
Reddendas multo cum fœnore quisq̄ recepit.
Hæc ita partitus mox seruis talibus infit.
Thesauros geminate meos, vt fœnore multo
Quum primū fuero patria de sede reuersus,
Auctos inueniam; & meritis sua præmia reddā.
Dixit, & abscedens cœlestia regna petiuit.
Mnas autem quas ille dedit, diuersa parentis
Munera cœlestis sunt hæc, quæ pneumate misso
Christicolis sacro infudit baptismate tinctis;
Naturæq̄ etiam vel corporis, exteraq̄ illa
Quæ bona fortunæ falso appellare solemus:
Qualia diuitiæ, valitudo corporis, ipsum
Robur, & ingenij quàm fœlicissima prompti
Dexteritas, vario quæ nostra industria pacto
Dispensare

Dispensare solet; pars auget; & altera sumptas
Imminuit retinens, quas sola eleemosyna auget.
At quidam quibus exiguum æs, & rara facultas,
Siqua animi siue ingenij virtute valentes
Extiterint, rudibus iuuat exercere docendis:
Non desunt contra, quorū vel maxima pars est.
Qui siue externas, illa instrumenta bonorum,
Siue etiam internas cœlesti à patre receptas
Diuitias, terra effodiunt; nec fœnore sancto
Multiplicant: quos dura manet sententia tandē.
Nam quum terribilis iudex aduenerit ille
Fœnora commissi poscens reddenda talenti:
Tunc soli quorum cumulos industria primos
Auxerit, ij vitæ referent promissa beatæ
Præmia, centuplum cumulati fœnoris vsum.
Qui vero scrobibus fossis incluserit aurum,
Contempsitq; sui cumulare talenta magistri:
Degeneriq; fluens elegit viuere luxu:
Sentiet incensi crudelem iudicis iram
Talibus ad sese dictis sic ore tonantem.
Tanta ne te nostri tenuerunt ocia census
Serue piger? reditusq; mei sic cura neglecta est?
Concessum ad mensam nequijsti ferre t alētum?

k § Illam

Illam ego vel modico cum foenore vt exegissem:
 Ergo quos illi mea munificentia nummos
 Tradidit, ablatos fidis concedite seruis:
 Sic concessa suis vt crescant munera Christus
 Quærit, & vt meritis augetur gratia multis.

C A P V T X V .

ERgo age succinctis ad fortia prælia lumbis
 Armata cū mēte veni, nec foemina quāq̄ es
 Duram formides aciem; victoria dudum

Iudic. 4. Sexus ista tui tibi credo incognita non est.
Debbora vir Et memori nūc mēte tenes vt Debbora quondā
tus. Duceret instructas post fortia classica turmas,
 Et mulier sumpto præcederet agmina signo,
 Mirantes hortata viros: quos ipsa ferocem
 Exemplo verboq̄ monens accendit in hostem:
 Quas postquā ducēs princeps animosa cateruas
 Impulit, accendens vegetata furoribus arma,
 Barbaricæ cecidere manus; dissoluitur omnis
 Hostilis virtus. tum qua se foemina monstrat,
 Palantes dant terga viri; latebramq̄ petentes
 Si viuunt vicisse putant: tum maximus ille
 Forma gigantææ quem fecerat horrida molis
 Conspicuum; immensamq̄ humani verticis arcē
 Sifara